

Primo, in Symbolo, in cæteri. Dominicis sacramentis: In Spiritu autem unitatis & vinculo pacis, in ipsa denique Catholica Ecclesia, nobiscum non estis. Hæc si accipiatis; non tunc aderunt; sed tunc proderunt, quæ habetis. Non ergo, sicut putatis suscipimus vestros; sed suscipiendo efficimus nostros, qui recedunt à vobis, ut suscipiantur à nobis: & ut incipiant esse nostri, prius desinunt esse vestri. Nec nobis conjungi compellimus \* operarios erroris, quem detestamur; sed ideo nobis illos homines conjungi volumus, ne hoc sint, quod detestamur.

Sei baptizavit, inquis, post Joannem Paulus Apostolus. Numquid post hæreticum? Aut si fortè audes illum *amicum sponsi* hæreticum dicere, & in unitate Ecclesiæ non fuisse volo & hoc scribas: Si autem hoc demeritissimum est, vel sentire, vel dicere, jam tuæ prudentiæ est considerare, quare post Joannem Paulus Apostolus baptizaverit. Si enim post æqualem; omnes post vos baptizare debetis: Si post majorem; debes & tu post Rogatum: Si post minorem; debuit post te Rogatus, cum presbyter baptizasset. Si autem baptismus, qui nunc datur, ideo pariter valet in eis, quibus datur; quamvis sint imparis meriti, per quos datur; quia Christi est; non eorum, à quibus ministratur; puto, quòd jam intelligas, ideo Paulum dedisse quibusdam baptismum Christi, quia Joannis baptismo fuerant baptizati; non Christi. Joannis quippe baptismus ille dictus est: sicut multis locis divina Scriptura testatur, quòd & ipse Dominus dicit: *Baptismus Joannis unde erat? de cælo, an ex hominibus?* Baptismus autem, quem dedit Petrus, non erat Petri; sed Christi, & quem dederunt, qui tempore Apostolorum, non castè, sed per invidiam, Christum annunciabant, non erat eorum; sed Christi: & quem dederunt, qui, tempore Cypriani, fundos insidiosis fraudibus rapiabant, usuris \* multiplicibus scænis augebant, non erat eorum; sed Christi: & quia Christi erat, ideo, quamvis non per æquales daretur eis; tamen, quibus datur, æqualiter proderat. Nam si tanto melius quisque baptizatur, quanto à meliore fuerit baptizatus, non rectè gratias agit Apostolus, quòd neminem Corinthiorum baptizaverit; nisi Crispum & Cajum & Stephanæ domum. Tanto enim melius baptizarentur, quanto erat Paulus melior, si ab ipso baptizarentur. Denique cum dicit: *Ego plantavi, Apollo rigavit*: videtur significare, se evangelizasse illum baptizasse. Nunquid melior Apollo, quàm Joannes? Cur ergo post istum non baptizavit, qui post Joannem baptizaverat; nisi quia iste baptismus, per quemlibet datus, Christi erat; ille autem, per quemlibet datus, quamvis Christo viam præpararet, tamen Joannis erat?

Invidiosè dici videtur: post Joannem baptizatum est, & post hæreticos non baptizatur. Sed potest & hoc invidiosè dici: post Joannem baptizatum est, & post ebriosos non baptizatur. Melius enim hoc vitium comme-

\* Al. operarios quidem erroris detestamur:

Act. 19, 3

& seqq.

Ioh. 3, 19

188.

Mat. 21

25.

Ad Philip.

1, 15, 17.

Cypr. de

Lapsis, c. 3.

\* Al. multiplicanti-

bus

1. ad Cor.

1, 14, 16.

1. ad Cor.

3, 6.